

DISSERTATIO

INAUGURALIS MEDICA

DE

HÆMORRHAGIA  
UTERI,

QUAM

EX CONSENSU INCLYTÆ

FACULTATIS MEDICÆ

ANGLIPOLITANÆ

PRO

DOCTORATI

IN AURURIA

SUMMISQUE IN MEDICINA HONORIBUS

AC PRIVILEGIIS RITE CONSE-

QUENDIS

PUBLICÆ DISQUISITIONI

SUBMITTIT

JOSEPHUS SAAL

GEISLHÖRINGANUS BOJUS.

*Die 7 Mensis Julii. MDCCCLXXXIII.*

---

ANGLIPOEI

TYPIS SEBASTIANI HABERBERGER UNIVERS, TYP.

**Cum approbatione inclytæ Fa-  
cultatis medicæ facta 26<sup>ta</sup> Junii  
1783.**

LURIMUM REVERENDO,  
PRÆNOBILI,  
CLARISSIMO, AC DOCTISSIMO  
DOMINO

INGNATIO

DE

VAGNER,

J. U. DOCTORI,  
INSIGNIS ECCLESIAE COLLEGIATAE  
AD S. JOANNEM BAPTISTAM

RATISBONÆ

DECANO  
DIGNISSIMO,

NEC NON

VERENDISSIMI ET CELSISSIMI PRINCI-  
PIS ET EPISCOPI RATISBONENSIS CON-  
SILIARIO ECCLESIASTICO ACTUALI,  
DOMINO AC PATRONO SUO  
GRATIOSO, AC COLENDISSIMO,

PERPETUAM GRA-  
TITUDINIS MEMO-  
RIAM

D. D. D.

Auctor,

THE UNIVERSITY OF CHICAGO

LIBRARY

PHYSICS

1910

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS



# DE HEMORRHAGIA UTERI.

Inter varias sanguinis deperditiones memorabilior inter cæteras ferme ea est, quæ per ærum fit; *hemorrhagia* vero uteri, seu *hystero-matorrhea* ea sanguinis protrusio dicitur quæ impetuose ac torrentis instar erumpit.

*Dividitur* : a) in eam, quæ gravidis b) quæ non gravidis accidere potest. Hic loci de prior specie agendum erit.

---

Species hæc denuo dirimitur in sanguinis  
uterini evacuationes, quæ a) sub graviditate b)  
sub partu c) post partum evenire queunt: quæ  
iterum subdividuntur a) in naturales & b) in præ-  
ternaturales. Naturales dicuntur, quæ communis  
& ordinaria lege ob separationem placentæ par-  
tum quemvis comitantur, & copiam unc. VI  
circiter non excedunt: posteriores sunt, quæ co-  
piam hanc magis, minusve exsuperant.

## DE CAUSIS HÆMORRHAGIÆ UTERI.

**C**ause sanguinis ex utero profluviorum in pro-  
ximas, & remotas abeunt.

*Proximas* constituunt:

I. Solutio præmatura secundinarum, sive  
sub partu, sive diu ante, sive demum post eun-  
dem accidat: intelligo enim illam unice soluti-  
onis hujus conditionem, si fiat, antequam ute-  
rus sese contraxerit.

II. Ruptura uteri.

III.

=====

III. Ruptura funiculi umbilicalis vel totius,  
vel vasis solum illius peculiaris.

*Remota sunt:*

I. Plethora :

II. Atonia uteri :

III. Motus sanguinis acceleratus :

IV. Impedita ob plethoram uteri contractio, soluta simul placenta :

V. Adhæsiio placentæ fortior; ob inæqualem uteri contractionem parte solummodo illius ab utero abscedente.

VI. Uteri, ob spasmos jam inæqualis contractio, jam expansio; dum motum piscis aquæ innatantis manui uterus tactus offert :

VII. Placentæ supra os uteri accretio :

VIII. Sanguis ob biliosam, aut putridam saburram, æstivo imprimis tempore magis, minusve solutus.

*Solutio præmatura* secundinarum a variis causis evenire potest; ad quas imprimis reducuntur omnia, quæ motum accelerare queunt c. 9.







vas ejus peculiare lacerari \*\*) : unde matri æque ac infanti funestæ hæmorrhagiæ nasci queunt.

*Atonia uteri* vel a conditione corporis universi vel ab extensione uteri protracta, nimia, præsentibus v. c. gemellis, aut infante majori, aut aquæ magna copia producitur.

*Per inaequalem uteri contractionem* vel placenta integra vel facilius, pars ejus abrupta, ceu intra saccum includi potest, dum basi uteri magis descendente, loco vero lateris, cui adnata placenta, minus obsequente, receptaculi species enascitur, placentam ex integro vel partim ambiens. Exemplum talia Cl. *Levret* fuit observat, p. 127. & Cl. *Mobrenheim* observaverunt.

## D E C U R A.

Fusior essem, si pro qualibet causa, quæ tam multiplex esse potest, specialem medendi methodum enarrare vellem, sufficit scire, quod omnis cura sit accomodanda causis. Sunt tamen causæ, quæ singularem attentionem merentur.

---

\*\*) La motte observat. 207.

=====

rentur, de quibus, quomodo apte tolli possint, plura dicam. Exponam simul & remedia sic dicta specifica, in quibus adhibendis tanti errores comittuntur; ostendam, in quantum exhiberi mereantur, in quantum prodesse, aut nocere queant.

*Si plethoricus adsit corporis habitus, venæ sectio in brachio instituatur, atque si iudicium id exigere videatur practicum, repetatur, interne autem antiphlogistica dentur, tunc & extremitates fasciis ac ligulis vinciantur. Artuum autem ligaturæ, sedata hæmorrhagia mox denuo solvendæ, ac sanguis ab ipsis earum extremitatibus versus corporis truncum manuum frictione promovendus: quo facto ægræ citius multo ac facilius ad sese denuo redibunt.*

*Uterus inflammatus ægerrime contrahitur, atque solutio placentæ ideo non promovenda; alias enim major nascitur in utero irritatio, ac, cum contrahere ex integro se non possit, hæmorrhagia excitabitur. Hinc v. s. indicantur, clysmata emollientia, injectiones similes in uterum, cataplasmata emollientia abdomini*

=====

adplicanda : usu interno remedia antiphlogistica.

*Si placenta partim soluta , partim adeo firmiter adhereat , ut contractionem impediat vel dolorificam valde reddat , reliqua pars adhærescens solvenda hic non erit , quum alias inflammatio magna oriatur , nisi hæmorrhagia valde magna fuerit ; ceterum melius est , si solutio reliquæ partis naturæ comittatur , Si autem solutio placentæ nulla ratione succedere videatur , injectiones emollientes per vaginam fiant , cataplasmata ad abdómen , hisque clysmata jungantur emollientia.*

Frictiones autem , quæ vulgo adhiberi solent , ut eo citius se contrahat uterus , nocent , si uterus inflammatus fuerit , aut placenta nimium adcreta , vel si hæmorrhagia nascatur , ab inæquali contractione uteri ob spasmos ; frictione enim spastici motus hic augmentur , & hæmorrhagia ipsa inæquali contractione major redditur.

Monendum autem hic simul venit , obstetricatores plerosque recentiores etiam suadere ,

---

re, ut grumi sanguinis, sub ipso hæmorrhagiæ decursu in utero nati, illico eximantur, quo sic impedimentum contractionis sufficientis, ipsius uteri e medio tollatur; ast exempto sanguinis grumo uterus non illico, sed paullatim contrahitur, ita, ut interea temporis sit magna adhuc sanguinis liquidi copia e vagina prorumpat, & mors certo certius secutura sit.

Evenit nonnunquam, ut puerpera syncope, vomitu aut violentis convulsionibus non stipatæ, vitam suam debeat, quum hoc sub temporis intervallo sanguis aliquamdiu remoretur, in ostiis apertis vasorum coagulatus hæreat, ac uterus pro eo, ac vires ægre insurgunt, de novo sensim contrahatur. Dum autem tales durante syncope vomitu corripuntur, aut convulsionibus magnis, quod haud raro accidit, paullatim ad ultimam usque guttam sanguis profluit, & mulierum res omnis conclamata habetur. Suadendum hinc omnibus est, ut sanguinem coagulatum in utero relinquant, potiusque curent, ne amplior sanguinis copia effluat, reliquus remaneat, viresque dejectæ iusculis  
nu-

---

nutrientibus, aut tinctura cinamomi ocys restaurentur.

Grumo sanguinis in utero contento non solum pressione mechanica hæmorrhagia sistitur: sed & uterus ipse ad contractionem disponitur.

*Adplicatio aquæ frigide* ad abdomen, tum in ipsum uterum facta in hæmorrhagiis præcipue uterinis ceu unicam, & optimum celebratur remedium: his tamen non obstantibus, in omnibus illis casibus, ubi hæmorrhagiæ hujusmodi sanandæ obveniunt, experientia contra omnem theoriam docet, remedium hocce nunquam sufficiens fuisse, injectionem autem malos produxisse effectus. Injectio enim interna aquæ frigidæ, ut & Epithemata frigida hæmorrhagiam ad breve solum temporis interval- lum sufflaminant, eo copiosius dein redituram; supervenientibus etiam motibus uteri ipsius spasmodicis: si autem injectiones fiunt grumis jam præsentibus, solvuntur hi, elvuntur, uteri cavum evacuatpr, hæmorrhagia augetur.

Pro:



---

Proficuum hinc multo magis est, si *artuum ligaturæ* instituantur, grumi in uteri cavo relinquuntur, & abdomen non intermissa opera *fri-  
cetur*, si tres supra nominatæ conditiones non adsunt, in quibus frictio nocet.

*Error*em violentum inter remedia adversus hæmorrhagiam uteri actuosissima locum mereri posse, atque præcipue ab hac rationem aquam frigidam, si unquam juverit, juvare potuisse, ex sequenti observatione fluit:

Obstetricius expertissimus remediis omnibus incassum adhibitis adversus hæmorrhagiam uteri partum mox excipientem, quum conclamata jam omnia ac puerperam letho proximam cernebat, humo imponi eam jussit, & quin vel minimum quid illi antea indicasset, magnam aquæ frigidæ copiam uno impetu toti corpori adfundi; hoc factò uterus confestim se contraxit, & hæmorrhagia desuit.

*Compressio*ne autem abdominis, aut firmiori ejus deligatione hæmorrhagias ejusmodi sisti etiam posse, casus hicce docet.

Re-

---

Retulit mihi vir fide omnino dignus, qui rem quoque præsens spectaverat, chirurgum ruralem, quum nullum jam remedium haberet cognitum, dixisse marito mulieris, hæmorrhagia laborantis, ut hujus insideret abdomini, quod & optimo cum successu factum fuit. Incitamento nobis id esse poterit, ut tali in casu vel pondus quodpiam abdomini imponamus vel quod melius est, & post paracentesin abdominis, subinde fieri solet, illud fasciis arctius obducamus, ut scilicet restituta compressione, sanguinis in abdomen influxus præcaveatur.

*In ruptura uteri* manus statim immittenda utero, ac examinandum, an infans eidem adhuc inhæreat; an partim vel ex integro, in cavum abdominis lapsus. Si postremum, vel si eatenus per rupturam exiverit, ut reduci amplius nequeat, illico sectio Cæsarea fiat. Si autem pedes ambo in cavo uteri adhuc sint, denuo reducendus. Notandum simul, si brachia expansa sint, vel caput nimis magnum, inversionem uteri, ni cautela adhibeatur, facile





cile fieri posse. In his casibus pes unus vinculo firmandus, manus immittenda utero, brachia lateribus capitis adponenda, ac, uti dum caput nimis magnum est, ruptura capiti ex adverso tenenda. Si vero vulnus foetus adeo amplectatur, ut hic in uterum reduci nequeat, in cavum abdominis expellendus, ac sectio Cæsarea facienda. Ideo vero statim expellendus, ut vulnus uteri sese constringere sine mora queat. Si placenta soluta nondum sit, antea statim solvenda.

*In ruptura funiculi sequentia conveniunt.* Si funiculus nimis brevis, caput autem in apertura pelveos nondum firmatum, placenta primum solvenda, & si longitudo funiculi sufficiat, eximenda ad vaginam, & tunc deligatio instituenda, foetusque vertendus.

Si vero nimis brevis sit, ut placenta ad vaginam extrahi non possit, solvenda quidem, sed una cum foetu ocysissime eximenda. Suedent nonnulli, ut his in casibus fundus uteri manu deprimatur, quo sic cavum ejus reddatur  
bre-

---

brevius, funisque laxetur; id autem raro possibile, rariusque scopo satisfacere videtur.

*Si funiculus factō partu in medio abruptus, mali vix quid afferet, placenta solum confestim extrahenda. Si ex insertionē suā in placentam eruptus idem faciendum; si ex umbilico infantis, vulnere fungus quercinus imponendus, ac tamdiu digito adprimendus, donec firmiter adhæreat.*

*Vas pecculiare in fune abruptum esse, pariter factō partu primum detegitur, cujus, etiamsi abrumpatur ex integro, sequelæ post partum, utero legitime contracto, mali nil adferunt.*

*Utero valde debili, atonia corporis magna stipato, & quasi paralytico, adversus uteri hæmorrhagias optimum remedium est tinctura cinamomi; (\*) quæ autem cum essentia castorei jungitur,*

B

si

---

\*) Plenke's Bemerkung von dem Gebrauche der Zimmttinctur bey Blutstürzungen aus der Gebärmutter, in opere Cl. Mohrenheim. Wienerische Beiträge T. 1, pag 406.

si hæmorrhagia a convulsionibus nascatur, aut comites easdem adhuc habeat; videtur enim tinctura cinamomi inter omnia alia remedia stimulantia vires vitales omnium citissime refarcire, - nervos imprimis roborare, doteque specifica in uterum agere: hinc si fluxus sanguinis quocunque demum graviditatis mense vel ante vel post partum, majorem corporis debilitatem procreat, sine omni exceptione, in quovis casu bono cum successu illa uti poterimus; nam hac imprimis tinctura, fœminæ, sanguine vix non omni jam privatæ, ad vitam denuo revocantur. Forma, qua exhibetur tinctura cinamomi, sequens est:

R. tinct. cinamom. ℥j. hujus summat. ab initio omni  $\frac{1}{4}$  hor. cochlear, dein minuta hæmorrhagia minuatur dosis. Quodsi adsint simul convulsiones, addi possent essentia castorei gtt. XX. &c.

*Sed reperire est nonnullas, quæ cinamomum peculiari horrore ferre nequeunt; aliæ autem ob ventriculi irritabilitatem singularem, tincturam*

turam hanc vomitu denuo rejicere coguntur. Abstinentum, si tales occurrant, illico erit ab ulteriori ejus usu, ne emesis præsentibus hæmorrhagiis periculosa multum, magis augeatur.

*Surdent nonnulli*, ut placenta supra os uteri adcreta in medio perforetur, atque per ostium hoc artificiale educatur: alii autem volunt, ut media pars placentæ solvatur, ac infans tum per os uteri dimidiam partem sic referatum, eximatur. Primum fieri potest, dum placenta ori uteri firmissime adcrevit vel urgente valide deorsum fœtus capite orificio arcte adeo adprimitur, ut impossibile fiat, manum os uteri inter ac placentam immittere. Posterior autem methodus usu destituta, quin sæpius noxia insuper est; & inutilis; cum spatium in ore uteri dimidiam partem reddito libero, exiguum nimis sit, ut fœtus per illud educi queat; imprimis dum placentæ pars soluta quoad suum dimidium, ac reflexa ipsa fœtus detractione in os uteri denuo simul detrahitur. Incunea-

---

tus hac ratione manet fœtus in ore uteri, atque hæmorrhagia nondum interrupta demum enecatur : quodsi vero vires nimium intendantur sub eduçtione, os uteri omnino dilaceratur. Securum itaque semper maxime est, ut placenta solvatur ex integro, & educatur; funiculus umbilicalis sine mora deligetur, ac infans extrahatur.

*Oscitatio continua* sub hæmorrhagiis uteri perseverantibus debilitatem nervorum ingentem denotat; hinc pro malo omine habenda.

*Somnus* his sub circumstantiis ceu noxius damnari quidem vix non in universum solet, atque omni cura adnituntur, ut puerperæ illi non obsecundent; cum debilitatem corporis inde augeri credant.

Sed observatum est in pluribus oppositum: utpote, si ægræ somno arceantur, præsentem debilitate magna eas opprimente plane, spasmos & convulsiones nasci; dum tamen manifeste



ste virium augmentum capiant, si somni quid nonnunquam illis concedatur.

Multum ægris his adfert commodi, si frequentius naribus admoveantur salia alcalia volatilia, sp. C. C. Ex. Quotiescunque enim horum adtrahunt halitum, oculos vivide diducunt, atque roboris augmentum quoddam prodant: dum itaque hoc frequentius fit, ex integro iterum restituuntur, debilitate omni fere perditâ. Odor talis in hisce debilibus vivaciter & grate in totum corpus agit. Evitari hac ratione, nisi forte sero nimis jamjam fuerit, animi poterunt deliquia, oscitationes continuæ, ac vomituritiones.

Dum autem præfente hac debilitate jusculis nutrientibus, aliisve potibus ventriculus nimium oneratur, maximam partem vomitus insequitur, qui tali hæmorrhagiæ superveniens summum adferre potest periculum, dum concutiendo illam augeat.

~~\_\_\_\_\_~~

Inter remedia hæmorrhagias uteri coercentia, adferendi omnino sunt *peffi* sive *turunda majores uterinae*; eo scopo plerumque exhibitæ, ut sanguinem in cavo uteri retineant; qui dein coagulatus grumis suis ostia vasorum obturat. Vero autem minus consentanea multorum est sententia, methodum sane medendi vacuam ideo evadere, quod hæmorrhagiam excitet internam, continuo augendam, ac mortem demum producentem. Si quidem remediis stypticis vulgaribus tantum jam temporis deperditum fuerit, ut corpus sanguine omni fere exhaustum sit, *Peffi* auxilium sane adferre non amplius poterunt, quum ultimæ sanguinis guttæ in cavo uteri colligantur, coagulentur: ipsa interim ad finem jam perducta vita. Si vero omnium primo, ac ante reliquorum adhuc medicamentorum usum adhibeantur, excepta solum uteri ruptura, egregie proderunt. Longitudine quidem uterus aliquantum increfcet, latitudo autem illius nunquam multum



---

---

tum augebitur: id vero non sufficit, ut puerpera reddatur debilior, multo minus, ut incurrere queat periculum. Docuit hoc experientia tum in illis foeminis, in quarum cavo uteri sponte sua nati grumi, tum & in aliis, in quibus *peffi* fuerunt immissi.

*Peffi* itaque in hæmorrhagiis uteri statim post partum, extracta jam placenta, sub initium jam vocati in usum, remedium constituunt unicum & certissimum. Veteres jam magno cum successu adhibuerunt *peffos* quosdam adstringentes. Grates autem multas debemus *Cel. le Roux*, quod rem hanc in egregio suo libro *de Hemorrhagiis uterinis* \*) emendatam denuo revocaverit in memoriam. Utilitatem autem *pefforum* inter plures alias sequens confirmare poterit historia, cui & ego ipse interfui.

B 4

Pri.

---

\*) Observat. sur des pertes de sang des femès en couches, & sur le moyen de les guerir: par M. le Roux, maitre en chirurgie &c. dijon 1776.

=====

Primipara 29 annorum in nosocomium practicum viennense suscepta, biduo ante partum amaritiam oris, vomituritionem. sitim magnam, dolorem topicum urentem in utero quæsta, trigesima Octobris 1782. partu naturali, doloribus valde acutis stipato, liberata. Sequuta mox magna sanguinis copia; exempta placenta, aliunde jam soluta, facta major. Immissus statim pessus, aceto gravidus; quo hæmorrhagia prorsus sedata. Altera die exemptus Pessus secuta notabilis portio sanguinis coagulati. Fœmina cum sanitate in gratiam ex integro rediit, ac binis elapsis hebdomatibus nosocomio excessit. Quam autem sanitate laboraret minus vegeta, interea temporis solventibus, & eccoproticis uti debuit. \*)

Ad-

---

\*) Tum in nosocomio practico viennensi, tum & extra illud Cl. *Mohrénheim* hæmorrhagias vidit uterinas magnas, partum illico excipientes: imprimis autem eas orituras notavit, dum puerperæ die partum præcedente vel nonnunquam extracta jam placenta, dolores querebantur violentos,

---

Adhuc quædam dicenda supersunt de *strutura*, & *adplicatione* pessorum.

*Pessi* ex linteis confecti per modum Penis artificialis, longitudine pollices quinque excedentes, ac tam crassi, ut non sine vi quadam immittantur in vaginam, aceto prius imprægnati, eo introduntur, ut extremitas externa inter labia vulvæ hæreat, interna autem per os uteri multum in ipsius uteri promineat cavum. Sequenti, ut plurimum die & Pessus & grumi sanguinis ex utero extrahuntur.

Præter *Pessos deligationes* extremitatum tam superiorum, quam inferiorum, sed prope truncum factæ, magnum quoque præstant commodum.

*Si*

---

scindentes, lancinantes, partem quamdam uteri obsidentes: quæstæ quoque nonnullæ fuerunt simul amaritiem oris: dolores abdominales non remittentes; sensim magis auctos.

---

*Si a spasms hæmorrhagia uteri orta fuerit, aut inæquali uteri contractione, antispasmodica administranda.*

*Si a saburra biliosa, ac sanguine soluto hæmorrhagia oriatur, purgantia per epicratin conveniunt, conveniunt & omnia ea, quæ in febre biliosa comendantur: ergo febre biliosa regnante, tempore potillimum æstivo, emeticum propinatum princeps remedium est.*

*Si a saburra putrida, ac sanguine soluto hæmorrhagia oriatur, non semper antiseptica, sed mox antiphlogistica, refrigerantia, mox ecceprotica mox antiseptica adstringentia indicantur: dantur enim quinque species febris putridæ: putrida inflammatorio saburralis, putrida ex degeneratione febris pituitosæ, putrida ex degeneratione febris biliosæ, putrida purulenta a pure resorbto, & demum putrida genuina, & pro diversitate harum specierum cura est diversa.*

Quum


---

Quum hæmorrhagia sisti nequeat, antequam foetus capite in orificio pelveos fixus hærens, eductus fuerit ex utero, forceps autem, cujus ope id optime perficiatur, inter remedia hæmorrhagias sistentia hoc respectu optime collocetur, pauca quædam circa ejus usum, hic subjunxisse non oberit.

*Forceps*, ab obstetricatore experto administrata, instrumentum adeo securum est & utile, ut in omni situ capitis, ubi facies anteriora, posteriora, dextrum, aut lævum os ilii respicit, ac ubi caput jam fixum satis inhæret aperturæ superiori pelveos, jure merito præferri mereatur instrumentis omnibus aliis. Quod vero sæpius jam forcipe cutis ab ossibus capitis detracta, & hinc medelam omnem respiciens caries producta fuerit, quodve facies contusa, vel cranii ossa introrsum pressa, non quidem instrumento, sed ignorantia, excusationem nullam admittenti, ipsius obstetricatoris vitio vertendum.

Quid.





Quidquid infanti per forcipem probe licet adplicatam, adversi contingere valet, contusione absolvitur leviori integumentorum, vel tumore inflammatorio minoris momenti: id vero rarius, atque non nisi tum accidit; quum vel forcipis ipsius mala est fabrica, quum non exacte, firmiterque claudit, aut plane incurvatur; vel quum caput foetus prægrande fuerit, ac ossibus pelveos firmiter hæserit incuneatum.

Quod si foetus fuerit sanissimus, contusiones minores nullam merentur attentionem, atque epithematibus herbarum aromaticarum, aquæ ac vini anaticæ dosi incoctarum, faciei negotio percurari denuo poterunt.

Dum vero humoribus instructus est acribus, corruptis, plerumque in suppurationem abeunt, ossiumque subjectorum producunt cariæ; sed hæc ipsa nunc primum enascens, atque a chirurgo sedulo tractata, sanari valet.

F I N I S.









